


TEZĂUR LITURGIC
28 SEPTEMBRIE

ACATISTUL
SF. CUVIOȘI
CHIRIL ȘI MARIA
DE LA
RADONEJ



MOSCOVA, 2000



Акафист
святым преподобным Кириллу
и Марии Радонежским,
родителям преподобного
Сергия Радонежского

Кондак 1

Избраннии чудотворцы и велицыи угодницы
Господни, обители нашея заступницы и приснии
о душах наших молитвенницы, преподобнии
схимонаше Кирилле и схимонахине Марие!
Пение похвальное вам приносяще, молим вы
усердно: яко имущии дерзновение ко Господу,
предстательством вашим от всяких бед нас
свободите и наследники Царствия Небеснаго нас
соделайте, да зовем вам радостно:

Радуйтесь, преподобнии Кирилле и Марие,
блазии о нас пред Богом заступницы.

И́кос 1

А́нгели земни́и и челове́цы небесни́и вои́стину яви́стеся преподо́бнии Кири́лле и Мари́е, от ю́ности ва́шея чи́стую со́весть иму́щи к Бо́гу, и до́бре во благоче́стии и чи́стоте́ вку́пе поживши́и, на́м же оста́вльши́и в приме́р подража́ния жити́е ва́ше богоуго́дное, ему́же чуда́щеся и чудесы́ ва́шими озаря́еми, зове́м ва́м гла́сы хвале́бными си́це:

Ра́дуйтеся, от ю́ности ва́шея Христа́ возлюбивши́и и Тому́ от души́ порабо́тавшии;

Ра́дуйтеся, целому́дрия хранители́ и душе́вныя и телесны́я чи́стоты́ рачители́.

Ра́дуйтеся, ду́ши ва́ши и телеса́ на землі́ в обита́лище Ду́ха Свята́го угото́вившии;

Ра́дуйтеся, исполненнии премудрости́ и ра́зума Божественнаго.

Ра́дуйтеся, я́ко от землі́ на не́бо преидо́сте и та́мо со А́нгелы́ Тро́ице предстоите́;

Ра́дуйтеся, я́ко со безплотными́ ли́ки трисвяту́ю пе́снь Ей́ воспева́ете.

Ра́дуйтеся, на небеси́ и на землі́ от Го́спода просла́вленнии;

Ра́дуйтеся, обрѣтшии вѣчное всесвѣтлое мѣсто упокоѣния.

Ра́дуйтеся, преподобнии Кирилле и Мариѣ, блазии о нас пред Богом заступницы.

Конда́к 2

Ви́дя всеви́дящее о́ко Отца́ свѣтов вельми́ благоуго́дное Бо́гу ва́ше жити́е, благоволи́ избрати́ вас, блаже́ннии, да явите́ ми́рови свети́льник пресвѣтлый Сѣргия́ преподо́бнаго, да о́ нем и ва́ши имена́ просла́вятся и вси́ ве́рнии воспою́т просла́вьшему вас Го́сподеви: Аллилу́иа.

И́кос 2

Ра́зума Божѣственнаго преисполненнии, Кирилле и Мариѣ, неуста́нно рабо́тасте Го́сподеви, наставля́я ча́да своя́ в послуша́нии и крото́сти. Умудрите́ убо и нас, преподобнии, непреста́нно оправда́нием Господним слѣдовати́ неложно, да обря́щем вку́пе с ва́ми спасѣние вѣчное и принесѣм ва́м благохвалѣния таковы́я:

Ра́дуйтеся, блаже́ннии, в боголю́бии пожившии и благове́рие сохра́ншии;

Ра́дуйтеся, ми́лости и сострада́ния преисполненнии.

Ра́дуйтеся, ми́лостью и моли́твами
Небе́сное Ца́рствие стяжа́вши;

Ра́дуйтеся, смире́нием и поще́нием ве́чное
блаже́нство улучи́вши.

Ра́дуйтеся, я́ко мзда́ ва́ша мно́га на Небесе́х
е́сть;

Ра́дуйтеся, я́ко моли́твами ва́шими и мы́
наде́жды Ца́рствия Христо́ва не лиша́емся.

Ра́дуйтеся, я́ко ра́дость ва́ша ве́чна во
све́лостех святы́х;

Ра́дуйтеся, я́ко тоя́жде све́лости вас ра́ди и
мы́ насле́дниками явля́емся.

Ра́дуйтеся, преподо́бнии Кири́лле и Мари́е,
блази́и о нас пред Бо́гом заступни́цы.

Конда́к 3

Си́лою Бо́жиею огражда́емь преподо́бный
Кири́лл кня́зю Ростовскому со вся́ким усер́дием
служи́ше и вку́пе с ним во орду́ Ага́рянскую,
ми́ра ра́ди, хождáше, да лю́ди ру́сские осла́бу от
и́га их и́мут и Бо́гу непреста́нно пою́т: Аллилу́иа.

И́кос 3

Иму́щи помышле́ние преподо́бнии Кири́лл и
Мари́я и лю́дие о трикрати́ном во чре́ве

Ма́риинѡмъ въ цѣрквѣ пло́дѣ глаше́ннѣи и
удивля́шесѣ, разу́мѣша не́что пресла́вное и
чу́дное бы́ти; и по сѣхъ увѣде́вшѣ ра́достное сы́на
рожде́ние, ра́довахусѣ и ра́достная ва́м
приноша́ху глаго́люще:

Ра́дуйтеся, дво́ице пресвѣ́тлая, Бо́гом
совокупле́нная;

Ра́дуйтеся, звѣзды́ непрелѣ́стнѣи, пу́ть
супру́жескаго жити́я богоу́годнаго ве́рно
указу́ющѣи.

Ра́дуйтеся, роди́тели благи́и до́браго и
избра́ннаго пло́дѣ;

Ра́дуйтеся, вся́кѣя благода́ти Бо́жѣя е́го
испо́лнѣвшѣи.

Ра́дуйтеся, супру́гов христи́ан ко благоче́стию
наста́вницѣ;

Ра́дуйтеся, до́брому богобо́язненному ча́д
воспита́нѣю ѣхъ науча́ющѣи.

Ра́дуйтеся, целому́дрѣи и воздержанѣи
супру́жескаго обра́зи преизя́щнѣи;

Ра́дуйтеся, хотя́щих богоу́годно жи́ти
богомудрѣи учите́лѣи.

Ра́дуйтеся, преподо́бнѣи Кири́ллѣи Мари́ѣ,
блази́и о насъ предъ Бо́гомъ заступни́цѣи.

Кондак 4

Бу́ря скорбе́й и напа́стей, воздвига́емая наместником Вели́каго Кня́зя, не осла́би крѣпкия любве́ ва́шея я́же к Бо́гу, Кири́лле и Мари́е блаже́ннии, но па́че научи́ вы изряднее отража́ти разже́нныя стрѣлы лука́ваго. Научите́ убо и на́с вся́ ско́рби ми́ра сего́ с крото́стию преноси́ти, в весе́лии вопия́ Бо́гу: Аллилу́иа.

Икос 4

Слы́шавше, блаже́ннии, Варфоломе́а, дивное́ чадо́ ва́ше, некогда́ гра́моте неиску́сна, чту́ща богодухнове́нныя писмены́, удиви́шася зело́, и ста́рца-схимника, премудро́сть е́му дарова́вшаго, в до́м сво́й прия́ша, за́поведь Апосто́ла Па́вла храня́ше: страннолю́бия не забыва́йте; те́м бо не ве́дяще не́ции странноприя́ша А́нгелы. Такову́ю добродѣ́тель ва́шу воспева́юще, вопие́м ва́м си́це:

Ра́дуйтесь, за́поведей Христо́вых ве́рнии исполнители;

Ра́дуйтесь, уче́ния Ева́нгельскаго и́стиннии послѣдователи.

Ра́дуйтесь, уго́дницы Бо́жии, жити́ю вели́ких святы́х соприча́стницы;

Ра́дуйтеся, страннопри́имства дрéвняго пра́отца Авра́ама подража́тели.

Ра́дуйтеся, свéтом благочéстнаго жити́я ва́шего, я́ко свети́ла богосвéтлая, просия́вшии;

Ра́дуйтеся, любви́ и милосéрдие к бéдным и си́рым яв́ившии.

Ра́дуйтеся, беспомо́щным ско́рии помо́щницы;

Ра́дуйтеся, я́ко и на́м при́сно помога́ете и к Небе́сному Оте́честву руково́дствуете.

Ра́дуйтеся, преподо́бнии Кири́лле и Мари́е, блази́и о на́с пред Бо́гом заступни́цы.

Конда́к 5

Боготéчным звезда́м подо́бны бы́сте, преблаже́ннии Кири́лле и Мари́е, егда́ прише́дше от страны́ Ростóвския в преде́лы кня́жества Моско́вскаго и во гра́де Радо́неже посели́стесь, та́мо су́щих бо люде́й благочéстием сво́им удиви́сте, подвиза́я пéти: Аллилу́иа.

И́кос 5

Ви́девше, святи́и, тща́ние сы́на своего́, преподо́бнаго Сэ́ргия, к ино́ческому жити́ю, моля́ху его́, да пребу́дет с ва́ми до кончи́ны ва́шей. О́н же, я́ко сын послуша́ния, изде́тска

наученный вами заповеди Господни исполнять,
покорись воле вашей, Кирилле и Марие, якоже
Божией, научая всех вопити вам тако:

Радуйтесь, блаженств Христовых
причастницы;

Радуйтесь, честнаго супружества и
попечения о чадех добрии образи.

Радуйтесь, ангелонравнии человецы;

Радуйтесь, преподобных и праведных
сопричастницы.

Радуйтесь, Пресвятыя Троицы вернии
угодницы;

Радуйтесь, яко и чад ваших угождати Ей
научившии.

Радуйтесь, того ради сын ваш
Триипостасному Божеству обитель дивную
устроивый;

Радуйтесь, сего ради и ваша святыя имена
прославлены есть по всей Руси.

Радуйтесь, преподобнии Кирилле и Марие,
блазии о нас пред Богом заступницы.

Кондак 6

Проповѣдницы вѣры правосла́вныя и ревни́тели благочѣстия не сло́вом то́кмо, но и жити́ем ва́шим, бы́сте во гра́де Радо́неже, прехва́льнии Кири́лле и Мари́е: те́мже и свята́я Це́рковь досто́йно почита́ет вас, немол́чно воспева́я Дивно́му во свята́х Свои́х Бо́гу: Аллилу́иа.

Икос 6

Воссия́ во гра́де Радо́неже свѣт добродѣ́тельнаго ва́шего жития́, преблаже́ннии Кири́лле и Мари́е; егда́ же дости́гше во́зраста прекло́нна, во оби́тель Хотько́вскую устреми́шася под покрóв Бо́жией Ма́тери прите́кше, та́мо ве́лий о́браз А́нгельский на ся́ восприя́ли есте́, те́мже о́браз вы́шшаго на́м смире́ния показу́я, ему́же поуча́яся, с любóвию вопи́ем ва́м такова́я:

Ра́дуйтесь, я́ко любвѣ́ ради Го́спода ми́ра сего́ сла́ву оста́висте;

Ра́дуйтесь, я́ко ино́ческое равноа́нгельное жити́е усер́дно восприя́сте.

Ра́дуйтесь, во оби́тель дре́внюю прише́дшии и та́мо поко́й себе́ обрѣ́тшии;

Ра́дуйтеся, Пречи́стей Де́ве Богоро́дице ду́ши
свои́ вручи́вшии.

Ра́дуйтеся, о́браз а́нгельский восприи́мшии и
непоро́чно его́ сохрани́шии;

Ра́дуйтеся, все́м ино́ком и ино́киням до́брии
о́брази.

Ра́дуйтеся, пре́жде кончи́ны ва́шея вся́
стра́сти умертви́вшии воздержани́ем;

Ра́дуйтеся, святу́ю схи́му в брони́ю спасе́ния
восприя́вшии.

Ра́дуйтеся, преподо́бнии Кири́лле и Мари́е,
блази́и о нас пред Бо́гом заступни́цы.

Конда́к 7

Хотя́ Человеколю́бец Госпо́дь явити́ в житии́
ва́шем, преподо́бнии Кири́лле и Мари́е, о́браз
назидани́я, не то́кмо лю́дем мирски́м, но и
ино́ческому ли́ку, внуши́ вам в ста́рости
масти́тей оста́вите сла́ву земну́ю и восприя́ти
о́браз ино́ческий, в не́мже постом, бде́нием и
моли́твою до́бре подвиза́стесь, неуста́нно
воспева́я Триеди́ному Бо́гу Серафи́мскую пе́снь:
Аллилу́иа.

И́кос 7

Но́вую благодáть показá всѣх Творец и Влады́ка чрез ва́с, преподо́бнии, егда́ прешли́ есте́ от вре́менных сея́ юдо́ли плачевны́я во обители́ вѣчны́я. Святы́я мо́щи ва́ша, а́ще и под спудо́м сокрове́нны, мно́гая чудеса́ источа́ху, мно́гим боля́щим исцелѣ́ния подава́ху; па́че же приносима́я к ва́м младе́нцы исцеля́ху. Сего́ ра́ди примите́, вра́чеве на́ши блаже́ннии, от на́с похва́лы сицевы́я:

Ра́дуйтесь, сме́ртию вре́менною прише́дшии к жи́зни вѣчней;

Ра́дуйтесь, от Го́спода нетлѣ́нием и чудесы́ просла́вленнии.

Ра́дуйтесь, я́ко па́мять ва́ша с похва́лами и успе́ние со святы́ми;

Ра́дуйтесь, я́ко имена́ ва́ша че́стны су́ть и благослове́нны во Оте́честве ва́шем.

Ра́дуйтесь, боля́щим младе́нцем исцелѣ́ние подаю́щии;

Ра́дуйтесь, тя́жко боля́щую деви́цу, с любóвию к ва́м прите́кшую, от недуга́ изба́вившии.

Ра́дуйтеся, о любящих и чту́щих вас небеснии предста́тели;

Ра́дуйтеся, приснопрося́щи нам у Го́спода да́ры бла́гости Его́.

Ра́дуйтеся, преподо́бнии Кири́лле и Мари́е, блази́и о нас пред Бо́гом засту́пницы.

Конда́к 8

Стра́шное и ужа́сное бе́дствие при́иде на зе́млю Моско́вскую, егда́ я́звою морово́ю уязвлены бы́ша лю́дие мно́зи во гра́дех и ве́сех, и мно́жество их умро́ша. Тогда́ собо́р освяще́нный со ино́кини моле́бныя пё́ния вам приноша́ху и предста́тельства ва́шими изба́вление от бе́ды получи́ша, вопию́ще благода́ющему чрез вас Бо́гу: Аллилу́иа.

И́кос 8

Вси́ боголю́бцы ско́рбию ве́лиею объ́аты бы́ша, егда́ во дни́ лихолётий, на зе́млю Росси́йскую прише́дших, оби́тель Покро́ва Пречи́стая Де́вы в Хо́тькове богобо́рцы разоре́нию и запусте́нию преда́ша. Но па́мьть о вас, преподо́бнии, в лю́дех жи́ва бы́сть, и сла́вляху ча́да росси́йския жити́е ва́ше и чуде́са благохва́ления сицевы́ми:

Ра́дуйтеся, чудотво́рцы на́ши предивны́я;
Ра́дуйтеся, не оставя́ющие нас в ско́рбныя
дни́.

Ра́дуйтеся, гра́да Хотько́ва и оби́тели на́шея
огражде́ние несокруши́мое;

Ра́дуйтеся, на враги́ ви́димыя и неви́димыя
кре́пции на́м спобо́рницы.

Ра́дуйтеся, благоде́яний мно́жество на́м
источа́ющие;

Ра́дуйтеся, ми́лостью сострада́ния ва́шего
всѣх объе́млющи.

Ра́дуйтеся, прѣснии все́м на́м хода́таи
спасе́ния;

Ра́дуйтеся, неотсту́пнии гра́да Хотько́ва и
оби́тели на́шея храните́ли.

Ра́дуйтеся, преподо́бнии Кири́лле и Мари́е,
блази́и о нас пред Бо́гом засту́пницы.

Конда́к 9

Вси́ А́нгели и святы́х ли́ки ра́довахуся
ра́достью ве́лиею, егда́ оби́тель ва́ша,
преподо́бнии Кири́лле и Мари́е, Це́ркви
возвраще́на бы́сть и мо́щи ва́ша честны́я, от ле́т
дре́вних Бо́гом сокрове́нныя, в хра́ме собо́рнем

положены бысть. И возжена бяху молитвы лампада и людие вси узревше свет ея удивляхуся зело, к вам в напастех прибегают и помощь от вас получают; еяже и нас сподобите преподобнии, о вас вопиющих Богу: Аллилуиа.

Икос 9

Витийство человеческое не довлеет к достойному прославлению чудес от мощей ваших и поныне совершающихся, преблаженнии Кирилле и Марие: старица бо немощная монахиня костное преломление претерпевшая и от врачей не утешенная, к вам, преподобнии, притекше и со слезами моляху вас. Вскоре же исцеление совершенное получив, во умилении сердца воспеша вам:

Радуйтесь, благодати Святаго Духа сосуди избраннии;

Радуйтесь, радости нам вечныя благоприятнии ходатаи.

Радуйтесь, старицу немощную от недуга скоро исцелившии;

Радуйтесь, исцелением сим искусных врачей удивившии.

Радуйтесь, нетленные благоухающи цветы;

Ра́дуйтеся, безсме́ртия немерца́ющие лучи́.

Ра́дуйтеся, на землі́ вели́чием чуде́с блиста́ющие;

Ра́дуйтеся, на небеси́ со А́нгелы́ Бо́га сла́влящи.

Ра́дуйтеся, преподо́бнии Кири́лле и Мари́е, блази́и о нас пред Бо́гом засту́пницы.

Конда́к 10

Спасе́ние ве́чное унасле́довавше, богоблаже́ннии Кири́лле и Мари́е, душа́ми ва́шими во оби́телех го́рних неразлу́чно в Бо́зе пребы́ваете, святы́ми же мощми́ ва́шими во оби́тели Пренепоро́чныя Де́вы нетле́нно вку́пе почи́ваете и оби́льная исцеле́ния источа́ете, нас в Го́рний Иерусали́м о́ный руково́дствуя, вопи́ющих того́ Гра́да Управите́лю: Аллилу́иа.

И́кос 10

Стена́ и прибе́жище все́м к ва́м притека́ющим вы́ есте, преподо́бнии. Оби́тель бо ва́ша к жи́зни ино́честей возо́жденная мно́жество и́щущих спасе́ния собра́, их же вы́ от искуше́ний и собла́знов сохра́ните, блаже́ннии, и мона́шескому де́ланию научи́те, да улучи́вше

желаемое, принесут вам сицевыя благодарственные слова:

Радуйтесь, чадолюбивыя наши предстателие;
Радуйтесь, руководствующие нас ко Христу Богу.

Радуйтесь, наставляющие шествовати по заповедем Господним;

Радуйтесь, научающие терпеливо носить крест свой и Владыце нашему последовати.

Радуйтесь, яко с преподобным отцем нашим Сергием имеете дерзновение ко Христу Богу нашему и ко Святей Его Богоматери;

Радуйтесь, яко вы есте ходатаи о нас недостойных, жительствующих во святей обители нашей, ей же вы и начальницы.

Радуйтесь, яко Богом собранней дружине сей вы помощницы, заступницы и молитвенницы;

Радуйтесь, яко вашими молитвами сохраняема невредимы от бесов и от человек злых пребываем.

Радуйтесь, преподобнии Кирилле и Марие, блазии о нас пред Богом заступницы.

Кондак 11

Пѣние молебное приносятъ вамъ, преблаженнии Кирилле и Маріе, не во обители Хотьковской токмо, но и в Высоцкой, сыномъ вашимъ основанней, многоцелѣбныхъ мощей вашихъ часть имущей, славятъ чудеса вами совершаемыя: младенецъ бо недугъ неисцельный имѣяй, исцеление отъ васъ получаетъ, родителей радости безмѣрныя исполняя, вопиющихъ исцелений подателю Богу: Аллилуиа.

Икос 11

Свѣтомъ трисіяннымъ осияваемы, Кирилле и Маріе, всеблаженнии, со всеми святыми предстоите ныне на Небеси Престолю Царя царствующихъ и отгуду, яко светила светозарнии, присно просвещаете души притекающихъ къ раце мощей вашихъ и покаянію истинному научаете. Сего ради, прославляюще васъ, глаголемъ:

Радуйтеся, яко скончали есте жизнь свою теломъ, но духомъ не отступаете отъ насъ;

Радуйтеся, с верою приходящихъ къ раце мощей вашихъ благодатно освящающихи.

Радуйтеся, бисери сияющии и благодатно просвещающии челоуѣковъ;

Ра́дуйтеся, свѣти умнии, зарею Свята́го Ду́ха
облиста́ющихи.

Ра́дуйтеся, извѣстнии умилоствивители Царя́
Небѣснаго;

Ра́дуйтеся, призыва́ющих моли́твенно
честна́я имена́ ва́ши ско́рии услы́шатели.

Ра́дуйтеся, упова́ние на ва́с по Бо́же
возлага́ющих дивнии помо́щницы;

Ра́дуйтеся, все́м право́рным вся́кое
проше́ние во их по́льзу исполня́ющихи.

Ра́дуйтеся, преподо́бнии Кири́лле и Мари́е,
блази́и о нас пред Бо́гом заступни́цы.

Конда́к 12

Благода́ть от Бо́га да́нную ва́м ве́дяще,
приле́жно мо́лим вы́ ны́не, прехва́льнии
схимона́си: проле́йте те́плую о нас моли́тву ко
Го́споду, да сохра́нит оби́тель на́шу неврежда́енну
от напа́стей и нестро́ений, и нас да поми́луе́т и
спасе́т, вопи́ющих Ему́: Аллилу́иа.

И́кос 12

Пою́ще ва́ше Богоу́годное жити́е,
преподо́бнии, и на небеси́ от Бо́га прославлéние,
ублажа́ем пра́ведное преста́влéние ва́ше,
велича́ем безчи́сленныя чудеса́ от святы́х мо́щей

ваших истекающих, и на неусыпные молитвы
ваша уповающе, взываем вам сицевая:

Радуйтесь, житие ваше земное благочестне
скончавшии;

Радуйтесь, от Царя Небесного венцы славы
приемшии.

Радуйтесь, обличеннии в ризу благодатного
нетления;

Радуйтесь, во благоухании святыни нетленно
почивающии.

Радуйтесь, препоясанныи силою многих
чудес;

Радуйтесь, яко рака ваша честная
врачебница явися недугом человеческим.

Радуйтесь, яко от нея всяк с верою приходяй
дары целебныя приемлет;

Радуйтесь, яко обитель наша мощей ради
ваших по всей земле Российской прославляется.

Радуйтесь, преподобнии Кирилле и Марие,
блазии о нас пред Богом заступницы.

Кондак 13

О, преславнии чудотворцы и угодницы
Господни Кирилле и Марие! Примите сия

моле́ния на́ша от всея́ душі́ ва́м ны́не
возно́сима и сподо́бите на́с предста́тельства
ва́шими в чине́ а́нгельском дости́гнути
Небе́снаго Ца́рствія, иде́же вси́ святыи́, А́нгели
и челове́цы воспева́ют непреста́нными гласы́
хвалу́ Пресвяте́й Тро́ице, Бо́гу на́шему:
Аллилу́иа, Аллилу́иа, Аллилу́иа.

Этот конда́к чита́ется три́жды, а зате́м и́кос
1-й и конда́к 1-й

Моли́тва

О раби́ Бо́жии, преподо́бнии Кири́лле и
Мари́е! А́ще и сконча́ли есте́ вре́менную жи́знь
свою́ те́лом, но ду́хом не отста́паете от на́с,
руковод́ствуете же ны́ ко Христу́ Бо́гу,
наставля́ете шествова́ти по за́поведем
Госпо́дним и носіти крест сво́й и посло́довати
Влады́це на́шему. Вы́, преподо́бнии, вку́пе с
преподо́бным и Богоно́сным отце́м на́шим
Се́ргием, ва́шим возлю́бленным сы́ном, имее́те
дерзнове́ние ко Христу́ Бо́гу на́шему и ко Святе́й
Его́ Богома́тери. Буди́те моли́твенницы и
хода́таи о на́с, недостойных, жи́тельствующих во
святе́й оби́тели ва́шей, ей же вы́ и нача́льницы.
Буди́те помо́щницы и засту́пницы Бо́гом
собра́нней дру́жине се́й, да жи́тельствующим на

мѣсте сѣм и приходѣящій с вѣрою, ва́шими
молит́вами сохра́няеми, невреді́ми от бесо́в и от
челове́к злы́х пребу́дем, сла́вяще Святу́ю Тро́ицу,
Отца́ и Сы́на и Свята́го Ду́ха, ны́не, и прісно, и
во ве́ки веко́в. Ами́нь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
НЕБО